

Sarkina Bt Mat Saad @ Shaari

From: Unit Komunikasi Korporat
Sent: Tuesday, November 6, 2018 3:26 PM
To: UUM - All Staff; UUM - All Students
Cc: Staf - Pesara UUM
Subject: 6,156 Graduan Bakal Terima Ijazah Pada Majlis Konvokesyen Ke-31



Unit Komunikasi Korporat
CORPORATE COMMUNICATION UNIT
Universiti Utara Malaysia

6 NOVEMBER 2018 / 28 SAFAR 1440H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Abdul Halim Husain

6,156 GRADUAN BAKAL TERIMA IJAZAH PADA MAJLIS KONVOKESYEN KE-31



UUM ONLINE: Alor Setar - Seramai 6,156 graduan bakal menerima ijazah masing-masing pada Majlis Konvokesyen Ke-31 Universiti Utara Malaysia (UUM) yang akan berlangsung selama lima (5) hari berturut-turut mulai 11 hingga 15 November 2018 di Dewan Mu'adzam Shah.

Naib Canselor, Prof. Dr. Ahmad Bashawir Abdul Ghani berkata, majlis tersebut akan dimulakan dengan dengan pemasyhuran Duli Yang Teramat Mulia Tengku Sarafudin Badlishah Ibni Sultan Sallehuddin, Raja Muda Kedah sebagai Pro-Canselor UUM yang baharu pada sesi pertama.

Tahun ini, menurutnya, UUM turut mengurniakan Ijazah Kehormat Doktor Falsafah (Pengurusan Logistik) kepada Pengarah Urusan dan Ketua Pengarah Eksekutif PKT Logistics Group Sdn. Bhd., Dato' Michael Tio yang merupakan Profesor Adjung UUM.

Katanya, beliau akan menerima Ijazah Kehormat Doktor Falsafah (Pengurusan Logistik) yang disampaikan oleh Canselor, Kebawah Duli Yang Maha Mulia Al Aminul Karim Sultan Sallehuddin Ibni Almarhum Sultan Badlishah, Sultan Kedah juga pada sesi pertama.

“Pada majlis ini, terdapat sembilan sesi melibatkan 6,156 graduan terdiri daripada 4,726 graduan Sarjana Muda dan 1,430 graduan pasca siswazah.

“Daripada jumlah graduan pasca siswazah itu, 326 adalah graduan Ijazah Doktor Falsafah, Doktor Pengurusan (7) dan Doktor Pentadbiran Perniagaan (14) serta Ijazah Sarjana (1,083),” katanya.

Naib Canselor berkata, 668 dari 4,726 graduan Ijazah Sarjana Muda mendapat Ijazah Kelas Pertama.

Tambahnya lagi, bilangan graduan PhD, DBA dan D.Mgmt juga turut menunjukkan peningkatan sebanyak 13 orang (3.74%) kepada 347 berbanding konvokesyen tahun lalu seramai 334 graduan.

Selain itu, katanya, seramai 748 graduan dipilih untuk menerima 35 anugerah utama universiti termasuk anugerah baharu diperkenalkan.

“Pada majlis konvokesyen ini turut menyaksikan 44 graduan dari tiga program peringkat Sarjana dan Sarjana Muda melahirkan graduan sulung daripada program Sarjana Sains (Analisis Data), Sarjana Sains (Kepengetuaan) dan Sarjana Muda Pengurusan Acara.

“Dalam kita meraikan graduan ini, tidak ketinggalan dengan penganjuran Pesta Konvokesyen yang bertemakan ‘Ilmu, Budi, Bakti : Tonggak Pendidikan Keinsanan’ mulai 8 hingga 15 November di Tapak Ekspo, Padang Kawad PALAPES dan sekitar kampus,” ujarnya.

Pesta Konvokesyen Ke-31 UUM ini akan dipenuhi dengan pelbagai aktiviti berbentuk akademik, keusahawanan, kebudayaan dan kesenian, sukan dan rekreasi, kerohanian serta pameran dengan jumlah gerai pameran dan lot jualan sebanyak 130 lot termasuk gerai jualan pelajar UUM.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.